

QUÆSTIO MEDICA

QUODLIBETARIIS DISPUTATIONIBUS MANE DISCUTIENDA

IN SCHOLIS MEDICORUM DIE JOVIS XVIII. FEBRUARII.

M. CLAUDIO DE QUANTEAL Doctore Medico, Præsede.

An in febribus malignis, ante pepsinum purgatio?

INTER innumera, quæ nos sæpe sæpius circumstant incommoda, & nostræ insidiantur vitæ, infinitæ propemodum febrium species, non ultimum locum tenent: cor etenim caloris nativi domicilium, primum vivens & ultimum moriens adoriuntur; unde definitur febris, calor præter naturam, in corde primum accensus, & per arterias in universum corpus effusus, actiones manifeste lædens; ex us quadam adhuc implacabili odio, tanquam hostes infensissimi, illud aperto Marte oppugnant, labefaciunt: hæ sunt quæ febrium malignarum nomine indignantur; Quæ non modo calore, sed & qualitate venenata, cor fatigant læsuntque: quæ sunt febres, immoderato, & præter naturam ardore, molestæ sunt, in quantum vero malignitatis participes, suo jugulanti veneno: quod ut plurimum non aliam agnoscit causam, quam insignem & insolitam humorum putredinem, ex quâ contumaciore, & inexpugnabili, symptomatis quam pro more, deterioribus, stipatæ procedunt. Nonnunquam ab aëre, præva qualitate conserpo, ducit originem, quæ quasi furibunda involat in vulgus, & si una cum aëre, inspiratione tum perspiratione nostra fubeat corpora, spiritus, humores, singulaque partes, malignissima labe contaminat, quam nunquam emendare poterit, cum enim humores ad eum putredinis gradum devenerint, ut febrem malignam pariant, jam nulla spes affulget prudenti Medico, ut illos nativi caloris ope, natura subigere possit & excoquere. his etiam in febribus, ut plurimum turget serosa illuvies, quæ incrassari nequit & edomari.

TUNC temporis humores turgere dicuntur, cum per universum corpus vagantur, & impetu non constanti decurrunt, quos cum natura regere nesciat & continere, præsens imminet periculum, ne in nobilem quamdam corporis partem irruant, vitamque deplorando haud satis infortunio præripiant; incertis his moribus maxime sum idonei, quia multi feri participes, quod cum *περὶ* nequeat, coctionis incapax est: nullus enim humor coctione non incrassatur, sed licet aliquando in malignis febribus, morbosus humor non moveatur organo, non idcirco natura se facilius expedit, à qualitate venenata, quam generavit insignis putredo, in humoribus adeo perniciofa, ut nunquam corrigi possit & emendari. Ille putridus humor, eo majorem nobis infert noxam, quo diutius moratur in corpore, partium ad quas appellit temperamentum, eo alterat modo, ipsique tantam inurit perniciem, ut quamdiu stabulatur, cum calore nativo non alia ratione queat in gratiam redire, quam cum ovibus lupus inire pacem, sic acetum, vinum denuo non potest evadere. Præterea quamvis coctionem admittere posset impurissimus ille succus, hoc tamen officium naturæ minime esset committendum, summopere enim metuendum foret, ne morbus antequam maturetetur humor, raperet hominem & ad plures mitteret, sed longe abest ut coctionem perficiat, humorum mole & cachochymia eo gravatur, ut ad eam non sese accingat, nec secretionem nec excretionem tentet moliri.

EBBRES malignas semper putredo comitatur, & cum eis indissolubili sociatur vinculo: unde multum hallucinantur, qui hecticas & ephemeræ febres, malignas reperiri commemorant, ephemera febris spirituum est ardor nimis & effervescencia, citra putredinem, è numero malignarum febrium igitur expungenda, sicut & hectica, in qua scilicet ipsamet cordis substantia nimis incalcescit, sed in male moratis præter incendium & calorem, adeft adhuc putredo; hinc nunquam (nisi improprie) ephemera & hectica vocabuntur malignæ. Ut plurimum continuæ sunt, aliquando tamen intermittentes videre est, divino seni non incognitas, nempe cum in vasis à corde longe distitis venenum latet, ejusque vis tanta non est, ut appulsu continuo cor feriat, sed vix ullis distindæ sunt typis, putredinem malignarum febrium causam conjunctam, pariunt obstructions & infarctus, & quæcunque motus & comæatus libertatem intercepti, caloremque peregrinum suscitant; talis est plethora tum ad vasa, tum ad vires, in illa enim spatij defectu, motus sanguinis interrumpitur; in hac vero cum ipsi tori regendo impar sit natura, quidquid ejusdem, spirituum irradiatione beari nequit, computrescat necesse est; aliæ possunt esse causæ, ut aque stagnantes, fruges putridæ, & id genus infecta tabo pabula, ad quæ si accesserit aëris inquinamentum, vel à cadaverum strage, vel ab inferioribus baratris obortum, exitium febrium parens putredo consurgit, qua semel humores infecti, frequenter organo semper qualitate perniciofa, calorem nativum oppugnant.

QUOTIESCUMQUE peritus medicus, in febribus, deteriora quam pro morbi magnitudine, deprehendit symptomata, quid latere maligni illico suspicetur, insidiosæ sunt hujuscemodi febres; nam in initis pulsu non multum elato, & moderata siti, benignitatem mentiuntur, ut postea crudelius sævant, deludant medicum, & agrum fraudulenter enecent: ad earum cognitionem nos ducent gravissima hæc symptomata, quæ tamen variant, pro vario putredinis gradu, & humoris putridi conditione, ex horum aliis, humoris organum, ex aliis vero venenatam qualitatem licet subodorari. Sine atroci dolore, nec calore vehementi, magna corporis perturbatio atque jactatio, quibusdam modo hanc, modo illam partem summi dolores torquent, à primo morbi insultu maxima virium jactura, absque ulla evacuatione prævia, statim altera facies, ut post unam diem vix ægrum agnoscas, segnitie totius corporis, mentis hebetudo, convulsiones, tremores, lipoptychia, cordis palpitationes, nonnunquam sudationes, nihil nisi cadaverosum olentes, cutis etiam exanthematis lividis, nigris, viridibus, cæruleis, deturpatur. Misera hac in calamitate, nulla nos recreat spes futuræ criseos; cujus eventu feliciori, possit ægrotus liberari, cum enim vegeto dumtaxat naturæ motu, & favente celo consentientibus, eveniat, quando vires effatæ jacent & languent, illam nullo modo potest absolvere, nec tandem fieret bonis ægri rebus, cum ad perfectam salutareque crism, absolute necessaria sit humorum concoctio.

NON bene ægroti salutem consulunt, qui potiones (quas vocant cardiacas) exhibent, ex theriaca, confectiombus de hyacintho, alkerme, in aquis ulmaria, cardui Benedicti dissolutis, quæ eximio suo calore putredinem augent & incendium, & qui ea præscribit, morbum acuit, & symptomata reddit graviora, quæ mitigare consilium erant, valeant quoque ararum deliramenta, os de corde cervi, Bezoar, lapis lazuli, margarita, bolus armena, lemmia, & ex gemmis fragmenta pretiosa, sexcentaque aliæ pecuniariæ machinæ, quæ ad vitalem vim roborandam nil possunt. Nullum præstantius cardiacum medicamentum purgans, quod humorem putridum, cor lancinans & convellens, caloremque nativum penitus devastans educendo, illud maxime reficit & recreat; & quicquid exhibueris illud nullo modo vindicabit ab injuriis prævi illius succi, quamdiu in corpore restabit. Sed purgationem præcedere debet missio sanguinis, pro ætate & viribus effundendi, ut natura oneris parte levata, promptior evadat & alacrior, ad id quod reliquum erit excutiendum; & ut obstructions & infarctus, sine quibus putredo vix generatur in viventibus, referantur & expediantur, sicque natura quicquid fuerit veneni, facilius eliminet & ejiciat, adjuncta cathartico medicamento, quod hic præsentissimum est remedium, cujus subsidio si destituerat æger, labatur, & certissima occumbat morti necesse est; neque enim concoctio est expectanda, quæ futura non est, & cum semper metus impendat, ne deterior morbus evadat, aut ægrum ante statum jugulet: licet cruda sit materia, ea tamen purgatione demenda.

Ergo in febribus malignis, ante pepsinum purgatio.

DOMINI DOCTORES DISPUTATURI.

M. Iacobus Menestrel.
M. Carolus Briffer.
M. Nicolaus Rainsant.

M. Ioannes Grout.
M. Petrus Pourret.
M. Antonius de Caën.



M. Germanus Preaux.
M. Franciscus Blondel.
M. Iacobus Renaut.

Proponebat Lutetiæ JOANNES CORDELLE, Hamus, A.R.S.H. 1672.